

ISAACI VOSSII
AUCTARIUM
CASTIGATIONVM
ADSCRIPTUM
D E
ÆTATE MUNDI.



HAGÆ-COMITIS.

Ex Typographia ADRIANI VLACQ.
M. DC. LIX.

THE
MAGAZINE

OF THE

AMERICAN

REPUBLICAN

OF THE


AMERICAN

REPUBLICAN

BENIGNO LECTORI

ISAACUS VOSSIUS

S.

 Uandoquidem adversarius meus in hac secunda
velitatione valde æstive amictus in arenam pro-
diit, nec jam de victoria sed de securo aliquo re-
ceptu sit sollicitus, non recte facerem si expedite fugienti
armatus instarem, ac jam lasso, anhelanti & defecto re-
cens secutor, recentia intentarem vulnera, cum necdum
priora occalluerint. Absque mucronibus totum nunc per-
agetur spectaculum; neque enim opus telis acutis, ubi
periculum abest, & lædendi ablata est facultas. Quia
tamen in recessu, ut fugam occultet & simpliciorum
officiat luminibus plurimum concitat pulveris, contenti
erimus facili flabello, quo nubeculam istam dissipemus. Tu
vero, mi lector, si imaginario hoc pugnae genere delectaris,
sequere, & stramineas casas, in quibus se subinde recondit,
mecum invise. Quod metuas nihil est, pro jaculis enim fe-
stucas tantum & paleas spargit. Sed age sequere, lubens
præibo.


Qui primus receptui signum dat, is est Prologus. Is mi-
ras canit ambages, ut me mihi ipsi adversari evincat. Ubi
hoc mirifice successit, ostendere conatur idem plane esse
si quis dixerit, Homerum & Virgilium incorruptos

ad nos pervenisse , ac si quis diceret , Homerum & Virgilium ex versionibus non esse corrigendos. *Quæ nam hic similitudo ? An non hoc est errorem errore confirmare ? Ubi illa antiqua Homeri aut Virgilii versio ? Si talis exstaret , quis dubitat , quin etiam plurima exinde loca possint restitui apud utrumque poëtam ? Verba nostra nihil juvant. Latinissime enim dicitur maxime incorruptus pro minus corruptus. Quis igitur non intelligat id quod dixi , nullum librum incorruptum ad nos pervenisse ; ex iis tamen qui maxime incorrupti ad nos pervenere , esse Virgilium ac officia Ciceronis ?*

Quæ de Aquila scripsi , dicit me descripsisse. Unde nam queso ? Quam fatuum quod me reprehendit , quia meminerim illorum Massoretharum qui ante duo tria & quatuor secula fuerunt , quum tamen de eo conveniat inter Buxtorfium & Capellum ! Quam ineptum quoque quod personam pro homine Latinum esse pertendit !

Frustra vero ad Buxtorfium ac alios Hebraici codicis defensores provocat. Viri illi insignes longe erunt prudentiores , quam ut impranso , imparato & qui semper & ubique se emungi patitur , causam suam committant.

CASTI-



CASTIGATIONUM

AUCTARIUM.

EFFUGIUM PRIMUM.



Uia postremo capite, ubi nonnulla de diluvio subjunxi, dixi, libenter me ista, libenter quoq; illa quæ præcessere submittere eruditorum iudicio; bellam tibi carpendi videris reperisse occasionem. Noli quæso sic putare, nihil enim frequentius hoc schemate etiam apud Ciceronem & optimos quosque dicendi magistros: neque enim vitiosus pleonasmus aut *polyptosis*, sed pura puta est anaphora. Tuum vero solæcismum noli defendere, neque enim, ut existimas, in una consistit voce. Si hoc præter consuetudinem tuam factum tibi videatur, mille tibi annumerabuntur, & quidem illo longe maiores. Verum nos, non jam muscas, sed elephantas venabimur.

CASTIGATIONUM
EFFUGIUM II.

LInquam Hebræam authenticam & originalem esse dixeras, Samaritanam vero traducem. Hic omiſſis reliquis ostendere conaris linguam Hebræam recte vocari authenticam. Ecquis dubitat? Non sic evades miser, ostendendum tibi fuerat codicem Samaritanum verſum eſſe ex Hebræo, & linguam Samaritanam aliam eſſe ab Hebræa. Similis proſecto mihi videris vaſtis iſtis animalibus, quæ cum volare neſciant, avibus tamen accenſentur. Hæc inquam ſi vel ſola colla frutice occultaverint, toto corpore ſe latere exiſtimant.

EFFUGIUM III.

SI illi quos deſcripſiſti errarunt, horum nihil te juvat error. Interpretatio iſta ſicut *Leo*, &c. ſtulta eſt, & Judæis potius quam Chriſtianis digna.

EFFUGIUM IV.

UT ſemper, ita quoque hic errores erroribus ſtabilire conaris. Samariticam linguam eandem eſſe negas, atque ſit Hebræa, quia nempe ex Perſide advenere Cuthæi Samaritæ incolæ; itaque

que Persicam & Samariticam linguam eandem fuisse. Desine bone vir nugari, & scito, Persas, Medos & Arabas istos, qui in Samariam translati sunt, postquam eam regionem incoluere, & legem, & sacra, & linguam Judæorum adsumsisse. Docere te hoc potuisset non Josephus tantum, aliique complures, sed & ipse Christus. Neque enim putabis ut opinor, illum Persice cum Samaritana muliere fuisse collocutum.

EFFUGIUM V.

DE Codice Samaritano vix tibi oculos aperui, & jam docere vis, qualis ille codex sit, qualis item quæ subjicitur paraphrasis, & denuo concludis Samaritanos Persice esse locutos.

EFFUGIUM VI.

Quandoquidem provocas ad eruditos, per me licet ut illi judicent, melius-ne tu oppugnaveris Josephum, an ego defenderim.

Metamorphosis Platonis in Chopinum omnino est lepidissima. Jam dudum illa mihi exciderat. Quæso dic mihi quot Chopinos chopinaveras, priusquam tam bellam fabulam, tam opportune proposito tuo accommodares?

EFFU-

EFFUGIUM VII.

Nihil hic promissum, quod non ipsi quoque præmisimus, ubi Josephi Chronologiam examinamus. Tantum autem abest ut difficultates quas postea subjungimus dissolvamus, ut illas ne adtingas quidem. De successione Pontificum per bis mille annos, à Moyse nimirum & Aarone, usque ad excidium templi, nullum relinquitur dubium. Status quæstionis circa id tantum versatur, quot anni secundum Josephum effluxerint à principio creationis, usque ad exitum Moyse. Dicis, vel ipso Josepho teste, intervallum hoc esse annorum fere trium millium. Verum etiam si sursum deorsum jactes & revolvās hunc numerum, non tamen vel tu, vel quisquam alius efficiet, ut hic calculus subsistat. Nam si rationes Josephi quam proxime ad supputationem hodierni codicis Judaici velis subducere, colligentur tantum anni 2493. His si addas annos Pontificum bis mille, fient anni 4493. Quomodo itaque verum erit quod Josephus conscripsit historiam quinquies mille annorum? Jam vero si quis dixerit Josephum in annis ante diluvium conspirasse cum LXX interpretibus, & numerasse 2256 annos; in eo autem intervallo, quod

quod à diluvio usque ad finem Moysis effluxit
 convenire cum hodierno Iudæorum calculo, ac
 tribuisse huic spatio annos 837, jam colliguntur
 • à principio creationis, usque ad obitum Moysis
 anni 3093. Si sic statuamus, quomodo verum erit
 quod dixit, non exspirasse totos ter mille annos
 ab initio Adami ad finem Moysis? Clarum ita-
 que quod neuter calculus subsistere possit. Poste-
 riorem tamen rationem qui amplectuntur, illi pla-
 niozem, ut diximus, insunt viam. At vero, qui
 etiam eos annos, qui ante diluvium effluxere, ad
 normam hodierni Hebraici codicis reformare co-
 nantur, isti plane delirant.

EFFUGIUM VIII.

ALiquot jam Samaritanas literas dicit, non
 multum descrepere ab Hebræis. Cras una
 forsitan erit & tandem nulla, & sic optime inter
 nos conveniet.

EFFUGIUM IX.

Nimium clara sunt tua verba, quam ut ea elu-
 dere possis. Ut tamen casses in quos incidi-
 sti evadas, in alios te præcipitas multo prioribus
 nequiores. Prius in numeris tantum peccabas,

nunc vero etiam ratione & intellectu de defuitui ostendis. Quid enim ex istoc tuo ratiocinio efficies, Cain & Abel si anno Adami 10, vel 20, vel 30. vel etiam 50. nati sunt, jam verum esse non posse, ut Seth natus sit anno 230?

EFFUGIUM X.

Valde metuebam ne laudaturus esses ea quæ Usserio reposui, nunc quia id non feceris, ingentes tibi refero gratias.

EFFUGIUM XI.

Non potes proprios errores defendere, & tamen Origenis & Armachani causam suscipis. Jubes ut ex te discam, quid sit γενεά, & vis ut tabellam quam adjecisti inspiciam. Sane video in hac tabella generationes appositas, sed quid per generationes intellexeris non video. Quod si γενεάς, sive generationum intervalla, sive ætates dicere volueris; jam in illo ipso laterculo tuo usque ad Abrahamum non sunt plures quam XIX. ætates. Isaacus Patriarcha vicesimam demum constituit γενεάν. Viginti enim nomina ætates continent XIX. Ut itaque viginti generationum spatia fiant, necesse est XXI. Patriarchas statuere. Cum enim γενεά, sive

sive ætas sit spatium à nativitate ad nativitatem, necesse est ut termini ætatum ipsas ætates unitate semper excedant.

Hæc cum ita sint, & infinitis testimoniis evinci possint, mirifice tamen hic obstrepis, ac mihi ignorantiam Græcæ linguæ objicis, ut qui nesciam quid sit *γενεά*. Dic igitur miselle, dic quæso, quid hoc vocabuli sibi velit. Hiscas vel semel absque errore si possis.

Vix autem risum contineo cum dicis me sudare & cespitare in defensione Cainanis. Quid ergo cespitantem sequeris? Anglossa, quam vocas, vernaculis apposita Bibliis, te mutavit, ut Cainanem apud Lucam nunc agnoscas? Magna profecto ea vis est, quæ etiam invitum ad credendum compellit.

Quamvis autem toto hoc capite nihil nisi casum pulverem pedibus manibusque spargere mihi videaris, triviale tamen hic promissum argumentum, quo valde te effers. Nam, inquis, si *Judei, qui ante Christum fuerunt, codices suos corruerunt, non hoc tacuisset Christus & Apostoli, qui alia eorum flagitia commemorant*. Quis librariorum errata, ex prava voluntate & corrumpendi studio oriri semper dixerit? An non etiam hæc & quidem longe sæpius,

ex incuria, properantia & cæcitate exemplatorum nascuntur? Nemo nisi stolidus hoc, ut puto, negaverit. Iam vero an Christus & Apostoli aliud quod agerent non habuere, quam ut librariorum errata corrigerent? An tibi rectius facturi fuisse videntur, si omissis iis quæ ad animarum salutem faciebant, huic tantum studio vacassent, ac in Synagogis & alibi de vocabulis, syllabis & literis, de apicibus denique & numeris disputassent? Hoc si quis verum esse existimet, quod addam non habeo. Verum si quis haud adeo in rebus humanis fuerit hospes, ut aut usu aut ratione cognoverit, plerosque illos errores qui in antiquis exstant monumentis, festinatione & negligentia potius librariorum, quam pravitate eorundem nata esse & propagata; idem quoque haud difficulter, ut puto, fatebitur, vastum illud argumentum tuum, quod quamvis tam diversis constat partibus, totum tamen uni nititur fundamento, pravitati nempe scribarum, solo unius rationis adflatu, inventum & in nihilum penitus abire & dissipari.

EFFUGIUM XII.

QUamvis difficile sit toties audiendis iisdem nugis vacare, quia tamen ipse hanc mihi poenam

pœnam indixi, ut tibi respondeam, æquum est ut acquiescam. Denuo itaque dico, pueriliter admodum te impingere, cum putas idem esse à Noacho esse decimum, & decima post diluvium ætate fuisse. Quid in verbis meis contradictionem quæris? Priusquam crimineris, fac primum ut scripta mea intelligas. Hoc ubi feceris, agnosces ne guttam quidem guttæ esse tam similem, quam verba mea sibi invicem constant. Dum vero me carpis, vide qualia sint quæ ipse promiss; *Utrumque verum est & Abrahamum decimum fuisse à Noacho, & decimum eorum qui post diluvium nati sunt, & decima post diluvium ætate vixisse. Vox enim γὰρ hæc omnia significat.* Dic quomodo Abrahamus decimus esse potuerit eorum, qui post diluvium nati sunt, nisi Cainanem annumeraveris? dic quomodo una eademque vox tria tam diversa & contraria apud Berolus significare potuerit?

EFFUGIUM XIII.

NEgas versionem LXX. interpretum divinitus fuisse inspiratam. Vocas hanc Pontificiorum sententiam. An ergo Pontificia fuit tota Græcorum Ecclesia jam ab ipsis Apostolorum temporibus? Vel unum ex omnibus Græcis pa-

tribus edas, qui negarit *θεοπνευσίαν*, horum interpretum. Origenem sic, ut dicis, sensisse falsum est. Non hic Græcam versionem ex Hebræo codice mutavit, sed is notulis Grammaticalibus Aristarchi totam S. Scripturam distinxit. Nihil expunxit, nihil addidit aut mutavit, nisi ex codicum fide. Verba ipsius Origenis ad Matthæum hæc sunt; *Καί πῶς μὴ ὁβελίσσωμεν ἐν τῷ Ἐβραϊκῷ μὴ κείμενα, ὅν πολὺ μᾶλλον αὐτὰ πάντα περιελθεῖν*. Primus omnium Christianorum qui auctoritatem LXX. interpretum impugnaverit, fuit Hieronymus, obsecutus nempe Judæis. Sed non is persuasit B. Augustino, non aliis multis: è Græcis vero nemini, qui omnes constanter versionem hanc *θεοπνευσίαν* appellarent. Sed & in ipsis Judæis rari sunt, qui hoc negent. Verum illi negant nos genuinam LXX. interpretum versionem habere. Nempe aliter si statuerent, actum esset de eorum pertinacia.

EFFUGIUM XIV.

NON video quid aut quem defendas. Relictis enim omnibus iis de quibus agendum erat, novas lites & nova vulnera intentas LXX. interpretibus. Primo quidem reprehendis quod *καὶ* reddiderint *ποιεῖν*, & non potius *κρίζειν*. Putasti nempe

κρίζειν

κλίζειν esse ex nihilo producere. Sed si verum sit, Hebraicam vocem ita accipi debere, ut volunt Judæorum magistri, jam nullum in ulla lingua vocabulum reperitur, quod huic respondeat. Sed neque in omnibus Græcorum monumentis vel unum invenies locum ubi κλίζειν sic positum occurrat.

Male quoque reprehendis LXX senes quod γῆν verterint σπέρωμα, cum, inquis, cœli non sint solidi, sed fluidi. Atqui Job dicit cœlos fusos esse tanquam ex ære solidissimo. Hoc tibi sufficiat. Quod sequitur, hoc aliis dictum sit, nempe interpretes LXX. recte vertisse σπέρωμα, id est, firmamentum aut fulcimentum. Per firmamentum in sacris literis nubes intelligendæ sunt. Illæ namquæ solæ superiores aquas ab inferioribus distinguunt, nec supra nubes ullæ aquæ concipi possunt. Iam vero firmamenti appellatio ideo recte tribuitur nubibus, quia istæ tanquam fulcra, vehicula & σπέρωματα sūt humorum. Attamen quum sol & luna in firmamento esse dicuntur, jam latius accipitur firmamenti vox, nempe pro toto eo spatio, quod supra nos est.

Male quoque carpuntur LXX quod Gen. iii. v. 17. verterint ἐν κατὰ γῆν ἡ γῆ ἐν τοῖς ἔργοις σου. Quin potius ex eo quod interpretes olim sic legerint, mani-

manifestum in Codice Hebræo olim fuisse כְּעֶנְךָ
quam sæpe כְּ & כָּ in S. scriptura invicem permu-
tentur multis illustribus exemplis docuit jam Ca-
pelli.

Illud Gen. v. & ambulavit Enoch cum Deo, quod
LXX. verterunt ἀνετίθησεν, probant & laudant insi-
gnes quique Theologi. Quid demum hinc excu-
des bone vir? An ex eo quod Græce sciverint
LXX. interpretes, efficies eos nescivisse Hebraice?

Eodem Genesios capite v. 29. cum dicis LXX.
interpretes confudisse כָּו & כָּו ipse tibi jugulum
præscindis. An non dictus est Noë à כָּו sive re-
quie? Si hoc verum, quomodo potuit à consola-
tione nomen accipere nempe à כָּו? Vides ita-
que quanto melior sit illa lectio, quam LXX. re-
præsentant interpretes, qui verterunt διαναπαύσει
ἡμᾶς.

Sed & cap. vi. 3. cum vertunt LXX. interpr. *non
permanebit spiritus meus cum homine*, rectiorem le-
ctionem exhibent, quam exhibeat codex He-
bræus hodiernus, *non disceptabit spiritus meus cum ho-
mine*. Olim nempe Scriptum fuit כָּו יוֹן non כָּו יוֹן ut
recte observatum Capello.

Septimo reprehendis interpretes hos, quod
כָּו Genes. vi. 6. reddiderint ἐνεθυμήθη. Profecto
&

& hic insigniter nugaris. Rasi apud Mercerum in Gen. □□ interpretatur, *sententiam retractare, aliud quam prius cogitare, in aliam mutari cogitationem, institutum revocare, &c.* Recte itaque prædicti interpretes reddidere *ἐπιστροφήν*, hoc est, *ad animum revocavit.*

Quam tu ridiculus qui ficulneis istis Masoretharum armis instructus illos provocas, quorum ope & beneficio Apostoli eorumque discipuli universum pene orbem subjugarunt. Sic tamen me compellas miselle, *Audes versionem tam vitiosam vocare divinitus inspiratam? Profecto tibi putas rem esse cum peponibus.* Quis demum qui tua legerit, idem de te non existimet, quod Tertullianus de Marcione lib. IV. cap. XL.?

EFFUGIUM XV.

DEnuo ad stolidum tuum relaberis axioma, ac negas ex lectionum varietate sequi corruptionem Sacrorum librorum. Ostende igitur unde ista lectionum discrepantia, ostende quomodo quod ubique verum est, id in sacris voluminibus locum non habeat, ut ubi duplex Scriptura, ibi altera non sit vitiosa. Si utramque lectionem veram esse ostenderis, jam mihi eris Propheta. Ex

C

omni-

omnibus quotquot hæcenus nati sunt hominibus, soli ita argumentantur Judæi, qui à Prophetis excogitatas nugantur duplices istas lectiones. Vides itaque, bone vir, quam sit frigidum tuum scomma, quantoque justius ego regeram, non sic tibi argumentandum, nisi ad Iudæos transire in animo habeas.

EFFUGIUM XVI.

ETiam si probari possit, dicis, illam, quæ etiamnum exstat, esse genuinam LXX interpretum versionem, non tamen exinde sequi codices Hebræos esse corruptos. Nam, inquis, si ostendi possit ita scriptum fuisse ab istis interpretibus, jam te audere *absque ulla cunctatione adfirmare & certo statuere LXX interpretes annos Moysis studio & data opera corrupisse*. Rationem addis eos hoc fecisse *in gratiam Ægyptiorum, nempe ut ad eorum Chronologiam Iudæi propius accederent*. Hæc sunt valde stolidæ, imo & impia. Ipse alibi adstruis ex Philone, Iudæos maluisse potius millies mortem oppetere, quam vel unum verbum addere aut demere de lege sua. Nonne & LXX interpretes fuere Iudæi? Profecto longe nequiores aliis Iudæis eos fuisse oportet, qui in gratiam Ægyptiorum omnes mentiri, & legem suam

suam studio corrumpere non dubitarint. Hoc scilicet permiscere tot millia Judæorum jam tum in Ægypto viventium; horum postea fraudi faverunt Philo & Josephus, imo & ipsi Apostoli, & universa Christiana Ecclesia: Illorum nempe intererat ut Moses ad placita Ægyptiorum reformaretur. Sed vero LXX interpretes non Mosis Chronologiam extendisse, Manethonem autem ad normam mundanæ antiquitatis Mosaicæ, Ægyptiorum tempora prolongasse, & primum Ægypti regem Menem, qui diu post dispersionem gentium vixit, Adamo æqualem fecisse, clare adeo docuimus, ut nemo nisi stultus refragari possit.

Dicis nihil constare de sanctitate LXX interpretum. At vero ipse illos sanctificat labor; sanctificat Apostolorum, totiusque adeo Ecclesiæ autoritas, consensus, & adprobatio. Ipse denique eos sanctificavit Deus, cum interpretibus illis tanquam totidem usus est instrumentis ad explicandum gentibus legem & Prophetas, ac præmittere voluit horum versionem, quo clarius postea eluceret Evangelii veritas, ac velut fundamentum & demonstratio foret secuturæ doctrinæ Apostolicæ. Vide itaque quam temere interpretes hos

velut impostores traducas. Ne ipsi quidem Judæi, quantumvis maximo odio versionem hanc prosequantur, audent interpretibus maledicere. Philo in libro de vita Moyſis, eos non tam interpretasse, quam prophetasse scribit. Sed & ipse Hieronymus, qui unus in tota veteri Ecclesia æquo iniquior fuit erga hanc versionem, auctoresque hujus non vates, sed interpretes fuisse scribit prologo in Pentateuchum, idem tamen in præfatione ad Paralipomena S. Sancti adflatum manifeste iis tribuit.

De loco Scaligeri non est quod aurem vellas. Etiam si verum esset quidquid ille scripsit, nihil te juvaret. Cæterum peccat Scaliger cum locum Hermippi putat adversari Aristæo & Josepho, item cum versionem illam putat factam fuisse sub Philadelpho, quæ vivente etiamnum Lago fuit absoluta, licet Aristæus totum hoc beneficium Philadelpho tribuerit, quia nempe filius, sub quo scripsit, aliquamdiu simul cum patre regnarit. Verum & hæc, & nonnulla alia magni istius viri de hac translatione errata ad aptiorem locum reservamus.

EFFUGIUM XVII.

UT Joanni de Temporibus (quem Galli *Jean des Tamps*, non uttu à *Stampis* nominant) opem feras, ipse te ipsum jugulas. Dicis enim; *discrepantia non est in homine, sed in annis; quidam enim ei annos tantum centum sexaginta tribuunt.* Dixeras prius *CCCLXI* annos vixisse. Sed, ut video, quod fabula fuerat, incipit esse verum.

Quæ sequitur ratiocinatio, plane prophetica est; *Si dantur longævi, dantur etiam qui decimum vel decimum quintum nepotem videre possint.* Tantundem est, ac si quis diceret, quia dantur qui ad centum & quinquaginta annos vivunt, dantur etiam qui ad mille vel bis mille annos vitam prorogant. Quis vero qui te tam pulcre argumentantem audierit, non existimet, animam Aristotelis in pectus tuum migrasse?

EFFUGIUM XVIII.

MOnueram ne Ectenum Lelegumque mentionem faceres, facistamen. Ut itaque ostendas Ectenas & Lelegas ante Abrahamum in Græcia regnasse, promissum locum Pausaniæ, ubi dicit Ectenas dictos fuisse primos Bœotix incolas,

regemque eorum fuisse Ogygum. Rectius profecto terrigenam istum non suscitasses, magnas enim ille turbas possit dare in tua Chronologia. Quotquot enim sunt Chronologi, in eo omnes conveniunt, ut Ogygum Abrahamo recentiores faciant. Eusebius Josepho æqualem statuit, alij, iique plures numero, post Moysen demum floruisse censent. Quod si omnes istos errasse dixeris, & Noachum & Ogygum eundem fuisse putes, jam absurdior erit error, & necesse erit ut credas Noachum in Græcia regnasse, & regnum illud fuisse antiquius diluvio.

Alter terrigena est Lelex. Hunc ut Abrahamo vetustiores facias, tale instituis enthymema. Quia ista Lelex primus in Laconica Lelegum fuit rex, ergo regnum Lelegum est vetustius Abrahamo. Videamus an hoc verum sit, & an rectè Pausaniam intellexeris. Is itaque in Atticis dicit, Lelegem duodecim ætatibus post Carem Phoronei filium ex Ægypto in Laconicam adpulisse, & ab eo Leleges nomen accepisse. Lelegis filius fuit Clefo, Clefonis Pylas, Pylæ vero Scyrôn. Huic Scyroni nupsit filia Pandionis quinti Athenarum regis. Nepos ergo Lelegis, æqualis fuit Pandioni regi. Jam yero ab obitu Abrahami usque ad initium

tium Pandionis colligit Eusebius annos 404, alii etiam plures. Manifestum itaque Abrahamum pluribus quam trecentis annis vetustiorum esse Lelege. Vide quam pulcris emblematis distincta sit tua Chronologia. Prodeas tandem, ô bella, prodeas, & parentem sic vultu referas, ut etiam ab insciis noscitere.

EFFUGIUM XIX.

Ostendere conaris, quod virum faciat ætas, non conjugium aut ipse generationis actus. Ratio tua hæc est, quod hætenus te virum esse credideris. Mox dein negas ipsum generationis actum facere virum, nam inquis, *sufficit potentia generandi.* An non vides, vir bone, te nec bene, nec fortiter argumentari? Ipse temetipsum destruis. Nam si potentia generandi faciat virum; jam falsum est, quod sola virum faciat ætas, steriles enim nunquam sunt viri, pueris vero sæpe adest gignendi potentia. Me vero recte esse locutum nemo cordatus infitiabitur. Quamvis enim viri appellatio multis modis accipiat, nempe ratione ætatis, conjugij, roboris, prudentiæ aliarumque virtutum; ratio tamen exigit & usus comprobavit, ut si principalem hujus vocabuli significationem expri-

exprimere velimus, is demum vir sit, qui prolem gignit, aut se gignere posse ostendit. Ut autem aliquis talis censeatur, non sola sufficit gignendi potentia, actu ipso demonstret necesse est virum se esse. Pari ratione puella aut virgo quantumvis matura viro, non tamen est mulier. Sed si pariat aut concipiat, jam desinit esse puella, & fit mulier cujuscunq; demum ætatis fuerit. Ut itaque mulieris indicium est peperisse, ita viri genuisse. Sedis stercoreæ quorsum mentionem feceris non video. Metuebas scilicet ne in tonstrinis in desuetudinem abiret tam lepida fabella.

EFFUGIUM XX.

TAnquam non satis esset semel vapulasse, denovo ficulneis confusus armis contra Josephum insurgis, ut eum Hebraice nescisse ostendas. Alia itaque exempla imperitiæ ejus in lingua Hebræa promere conaris, ac si priora bene & feliciter successissent. Primo itaque dicis nihil ineptius & falsius esse eo quod Josephus dicit, Samsonem à fortitudine sic dictum, ששן enim Hebræis & Chaldæis Solem significare. Erras bone vir. Samsonis nomen est à ששן & נס pro quo etiam נ scribitur. נששן itaque ad verbum fuerit *Sol fortitudinis*, quem

quem Hebraismum Josephus uno verbo complexus est *ισχυρόν* reddendo.

Altera accusatio est quod *בעמי* verterit *δυνατὴν*, cum significet *amæna*, *pulchra*. Sed vocabulum hoc multo latius patet, nam & felicitatem, perfectionem, opimitatem, & *δυνατίαν* notat, uti illud reddidere LXX interpretes Iob. 36. 11.

Valde vero es ridiculus cum reprehendis quod *ררר* *amara* ipse *ὀδυνην* interpretatus sit. An nescis *πικρίαν* & *ὀδυνην*, *πικρόν* & *ὀδυνηρόν*, & apud Latinos dolorem & amaritiam pro eodem accipi? Desine rogo nugari, & si LXX interpretibus non credis, qui & ipsi 1. Sam. 15. 23. vocabulum hoc *ὀδυνην* reddidere, crede saltem rationi, dummodo aliquis huic apud te locus supersit.

Rubenis vel Rubelis nomen recte interpretatur Josephus *misericordiam Dei*. Quis enim nescit non in Hebræa tantum, sed in omnibus linguis L in N sæpe transire, & B & M promiscuas esse literas?

Nephtalim, inquis, *Ιωσηφο δυνάμει*, cum sit *luctator*. Bis peccas, neque enim veram Josephi lectionem promissis, nec recte luctatorem explicas. Apud Josephum pro *Ιωσηφο δυνάμει*, quod nullum sensum hoc loco exhibet, legendum est *ἐν δυνάμει*. Sic in suo quoque codice olim reperisse videtur

Ruffinus, vertit enim *tanquam ex machinationibus*. ויחלל נפחלל vero non luctatorem tantum, sed & artem malam, fraudem & versutiam notat. Recte itaque Josephus Niphthalim interpretatur ex arte & machinatione natum.

Zabulon Josepho ἐρεχυσμένον ἀνοία. Tu reprehendis & habitatorem interpretaris. Iterum falleris. Zabulon non dictus à זבול *habitare*, sed à זבול חבול *hic oppigneratus*. LXX interpretes compluribus locis זבול reddidere ἐρεχυσμένον.

Locus de Beniamine manifeste in mendo cubat. Sic puto prius scriptum fuisse; τὸ ἐξ αὐτῆς παιδίον βενιαμὴν ἐκάλεσε πρῶτον καλέσμενον βενονί διὰ τὸ ἐπὶ αὐτῷ γηρομένον ὁδύνην τῇ μητρὶ.

EFFUGIUM XXI.

DEbueras ostendere Noachum usque ad tempora Abrahami pertigisse, & Semum xv nepotem vidisse, verum tu eo relicto adstruere conaris apud varias gentes obscuram quandam Noachi memoriam fuisse conservatam, quasi vero hoc aliquis unquam negarit. Ut tamen hoc evincas, primo mentionem facis regis Vitey, qui nunquam in rerum exstitit natura: deinde Prophetice dicis Noachum regnasse in propria familia usque
ad

ad dispersionem gentium, ac si universus orbis non fuisset familia Noachi; post dispersionem vero gentium ubinam vixerit non addis, sed Semum dicis habitasse in pelle sua. Hem argutias!

EFFUGIUM XXII.

Usferius vindicatur à criminatione. Dixeram Usserium mutilasse æram Babyloniorum, ut consuleret Judæis hodiernis. Exclamas; *Tunc audes Christianos, qui codicem Hebræum sequuntur, Judæos hodiernos appellare?* Compesce bilem, bone vir, neque enim Iudæis consulere est esse Iudæum.

EFFUGIUM XXIII.

IRasci mihi videris quod Persice nesciam: ego vero misereor tui quod Græca toties tractes, cum tamen Græce ne legere quidem possis. Sed quandoquidem tu æque Persice noris, atque ego, licet mihi æque ac tibi ad illos provocare qui Persice sciunt. Pro me itaque loquatur Petrus Teixera in Chronico Persico, cujus verba sic Latine sonant; *Solent Persæ nomine Sinarum comprehendere quidquid est ultra provinciam Maurenahar, totam nempe Tatariam, Kethao Kothan (quam vulgo Cathajam appellamus) denique Sinas & quidquid porro terrarum est, adeo-*

qui ipsum Tatarorum regem ac dominum, vocant regem Sinarum. Quemadmodum enim nos Indiam appellamus fere quidquid soli Orienti subjacet; ita Persæ Sinas vocant non ipsos tantum Sinas, verum etiam plerasque gentes & regna his contermina. Ne ipse quidem Iacobus Golius, vir longe clarissimus, negabit, ut opinor, ut Sinarum nomen versus Austrum longe latius patet, quam Cathayæ; ita Cathayæ vocabulum longe ultra murum, & id quod vulgo Sinam vocamus, occidentem versus extendi.

EFFUGIUM XXIV.

VOcas me pulchellum. Nempe putas rem tibi esse cum Acide. Cave ne Ulysses tibi sim. Noli vero me sic argumentantem introducere, qui peritus est cælestium, ille est primus inventor Astrologiæ, sed potius vice versa, qui Astrologiæ inventor fuisse creditur, ille quoque creditur siderali præditus fuisse scientia. Quod dicis Abrahamum Astrologiam discere potuisse à Chaldæis, id fieri non potuit, necdum enim erant Chaldæi. Eupolemmum nulla auctoritate Abrahamo, inventionem Astrologiæ attribuisse scribis, quum tamen idem fere dixerint qui illum præcessere Berosus & Ægyptij; idemque postea confirmarint Philo, Josephus

sephus ac complures è Patribus. Tu vero, nisi Propheta es, unde habes Eupolemum & Philonem hæc finxisse? Quam vero ridiculum quod ex Moyse probare conaris, Abrahamum fuisse Astronomiæ ignarum, quia Gen. x v. *stellas numerare jubetur, tanquam rem sibi incognitam.* An non hoc est pari modo argumentari, atque facitabat olim fraterculus quidam, qui dicebat Christum ideo jussisse Petro gladium recondere, quia imperitus erat artis gladiatoriæ? nam, inquiebat, animus huic erat caput Malcho amputare, solam vero abstulit auriculam. Quam putidum est in Sacris ludere? Quanto rectius illi, qui ex hoc geneleos loco contra astronomos quosdam pertendunt, infinitum esse siderum numerum; Quod autem dicis Chaldæos certum tantum stellarum numerum cognovisse, unde hausisti? An non plerique fere antiquorum, Chrysippus, Aristoteles, Cleomedes ac infiniti alij confessi sunt, præter stellas perceptibiles, esse quoque innumerabiles alias? Cum vero existimas viæ lacteæ sidera ope demum telescopij esse detecta, & tum quoque falleris. Agnovere hæc etiam absque telescopiis Democritus & alii. Cum dicis Astronomiam à Chamo traditam Chuso & Nimrodo, vide quam absurdus es, quum

hos facias astronomos, Abrahamum vero nihil minus quam astra curasse & novisse existimas. An non hoc est vaticinari? Vide quam multos in brevi spatio committas errores, & quam omnia quæ corradis tela, in caput tuum resiliant. Si aliquid falsis in pectusculo istoc fuisset, meliora saltem pro antiquitate Astrologiæ testimonia petere potuisses ex Alexandri Polyhistoris fragmento de diluvio, ex Plinio, Epiphanio, ac denique ex Sinensium annalibus, sed profecto ex alienis tantum sapis collectaneis.

EFFUGIUM XXV.

FRustra Bocharti locum promis. Magnus ille vir non tantum æquo patitur animo, verum etiam impensissime amat à se dissentientes, dummodo non ut tu fecisti, sed pudenter, modeste, & non sine ratione id faciant.

EFFUGIUM XXVI.

ET hic quoque bella admodum jocandi se offert occasio, sed abstinebo, jam dudum enim miseret me tui. Ostendi tibi errorem quem commisisti numerando 50000, ostendi quoq; modum quem tenere debueras. Monui sic disponendos esse
nume.

numeros; Ex 72 fiunt viri, 600000 spatio annorum 215 quæritur quot viri nascentur è 6 spatio annorum 100? Tu non dicis futuros pauciores 350 uti ego dixi, sed 23255. Vir bone, Vir beate, falleris & quidem plurimum. Regula trium, & regula quinque, ut vocant, locum hic non habet; ut vera cognoscatur proportio numerorum ad numeros, & annorum ad annos, longe aliter ratiocinandum. Nam si hic tuus calculus procederet, ut ex sex spatio centum annorum nascerentur 23255, jam ex iisdem illis sex spatio ducentorum annorum procrearentur viri 90132504. Quod si præterea quindecim istorum annorum rationem habueris, ac illos quoque prædictæ summæ addideris, tam immensus fiet numerus, ut ne omnes quidem quotquot in orbe sunt viri summam hanc æquent. Alius itaq; instituendus est calculus, qui quo facilius evadat, sic faciendum; 72 dant 600000, ergo singuli dant 8333 $\frac{1}{3}$. Dein sic pergendum; ab uno viro spatio 215 annorum procreantur viri 8333, quæritur quantum ab illo uno procreari possint spatio centum annorum? Dico futuros 66. Hoc sic probo. Si ex uno viro spatio centum annorum nascantur 66 viri, jam quoque ab illis 66 secundo seculo itidem spatio 100 annorum producentur

ducentur viri 4356. Ab his iterum eadem proportionem tertio seculo procreabuntur 287496. Jam ut sciamus quot viri nasci potuerint hac ratione anno post Diluvium 215 sic pergendum. Multiplica numerum 287496 per 4356, & producti sume radicem quadratam, quæ erit 35388. Hæc quia est medium proportionale inter 200 & 300 convenit anno post diluvium 250. Iterum dein, ea qua diximus ratione, quære medium proportionale inter 4356, & 35388 & invenies 12415. Hunc numerum refer ad annum 225. Medium proportionale inter 4356 & 12415 est 7354. Hic numerus convenit anno 212½. Anno 218½ convenit numerus 9555, ac tandem pari ratione progrediendo, invenies anno 215½ convenire numerum 8383. Hic est numerus quem quærimus, qui- que quamproxime accedit, ad illum quem nominavimus. Dico itaque si ex uno viro spatio 215 annorum procreentur viri 8383, jam 100 annorum spatio non posse plures ab uno gigni quam 66. Uti autem in Ægypto à 72 viris facta est multiplicatio, ita statim post diluvium à tribus Noachi filiis. Triplicetur itaque hic numerus & tum talis ubique exurget proportio virorum ad singula temporum spatia, qualem hic repræsentamus.

<i>Anni post diluvium</i>	<i>Numerus virorum qui ex tribus Noachi filiis nasci potuerunt, subductus ad rationem maxi- ma multiplicationis qua in Aegypto fa- cta est.</i>
1	3
50	24
75	69
100	198
125	664
150	1605
175	4581
200	13068
212 $\frac{1}{2}$	22062
215 $\frac{1}{2}$	25149
218 $\frac{1}{2}$	28665
225	37245
250	106164
275	302580
300	862488

Primo itaque post diluvium seculo ne ducenti quidem fuere homines. Redi nunc ad Arithmeticum tuum, ac judicet is uter nostrum rectius calculum posuerit.

EFFUGIUM XXVII.

FOecundus est valde tuus abacus. Mirum quam multa Patriarcharum millia in turmas digesta, in chartam excusseris tanquam ex fritillo. Ex tribus Noachidis decennij spatio natos fuisse dicis triginta filios, ita ut unicuique decem minimum fuerint. Ex illis triginta spatio totidem an-

E norum

norum alios trecentos, ex istis ter mille, & sic porro. Quod natura non potuit nisi longo tempore, id compendio præstitisti; momento enim reparasti totum humanum genus. Magis mirandam hanc multiplicationem efficit ipse procreætionis modus. Omnes enim isti Patriarchæ sua sponte fuere fœcundi, absque conjugibus. Manifestum hoc ex tuis verbis, & tua sit supputatione. Intervalla enim generationum facis annorum triginta. Singulis Patriarchis denos tribuis filios. Ex singulis denis spatio xxx annorum singulos centenos facis nasci. Nulla hic mentio feminarum, quas si admiscere volueris, jam destruis numerum marium, ac proinde totum tuum calculum. Necessarium itaque ut si hunc defendere volueris, dicas Patriarchas istos utriusque fuisse sexus, ac è seipsis gignere potuisse, aut semper geminos fuisse editos, marem nempe & feminam, aut denique statim post diluvium mulieres præcise singulis semestribus peperisse.

Aliud tuum argumentum, quo immensam istam multiplicationem adstruere conaris, est quod discipulorum polygamiam & concubinatum statim post diluvium in usu fuisse. Quamvis non ignorem multos sic existimare polygamia augeri genus humanum, non

non tamen horum auctoritas obest; quominus id armentum non sit futile & veritati contrarium. Polygamia & concubinarum numerus id tantum efficit, ut ab uno homine multi possint procreari, sed si universum genus humanum, aut gentem aliquam integram consideremus, tantum abest ut proficiat, ut exinde destruat potius, quam augeatur hominum numerus. Hinc est quod apud castas gentes, ubi singulae singulis junguntur maxima sit hominum fecunditas. Absurdum est itaque dicere primos post Noachum Patriarchas concubinos fuisse, aut si fuerint, accrementum id attulisse generi humano. Nemo vel paulo nasutior dubitat, quin tempore illo, quo ducentae tantum aut trecentae erant mulieres, si omnes uni nupsissent Patriarchae, longae rarior futurus fuisset hominum proventus.

EFFUGIUM XXVIII.

Catalogum Regum Assyriorum non ex Scaligero, sed ex Georgii Syncelli Chronico describere debueras. Inde enim illa Africani, omniaque adeo Eusebiana fragmenta hausit Scaliger. Sed quia apographum quod Scaligero transmissum fuit raptim & vitiose admodum descripserat Ca-

saubonus nescio an alius, ideo plurimi passim in hoc opere, tam in annis, quam in nominibus errores fuere commissi.

Cum me reprehendis quod dixerim $\chi\alpha\upsilon$ & $\alpha\sigma\epsilon\lambda\omicron$ idem significare, strenue more tuo nugaris. Nihil minus quam ad Hebræum חַי respexi sed probavi conjecturam Bocharti legentis $\chi\alpha\upsilon$ non $\chi\alpha\upsilon\mu$ ut vulgo. Græcis enim idem est $\chi\alpha\upsilon$ & $\alpha\sigma\epsilon\lambda\omicron$, accipiturque utrunque vocabulum pro favilla, pulvere tenuiore & combusto.

EFFUGIUM XXIX.

DEsine quæso ex Chusæis Chaldæos formare, ac puta satius esse etiam hoc loco prolepsin admittere, quam ineptire. Si Bocharti scripta diligenter legeris, fac ut etiam intelligas. Id autem fiet, quando tua minus tibi placebunt.

EFFUGIUM XXX.

Misraimum fuisse conditorem regni Ægyptiorum nusquam negavi. Licet vero negassem, non peccassem tamen, non enim semper verum genarchas fuisse reges in familia sua, sæpe quippe inobedientes erant filii & nepotes.

Usserium dicis non ex solo Manasse calculum
suum

suum Ægyptiacum hausisse. Unde igitur? De aliis Abimelechis, qui Saræ amore exarserint, ut Manassi & Usserio patrocineris, quantas promissu-
gas? Quam etiam hoc ineptum quod me repre-
hendis, quia in Ægypto dixi regnatum à regibus
Ægyptiis etiam post Cambysem? An octo illi re-
ges Ægyptii, qui successive post Cambysem in
Ægypto regnarunt, non fuere legitimi reges? An
ergo Diodorus & tot alii Historici mentiri sunt?
Paucis verbis rem expedit Eusebius, cuius verba
ad annum M. DC. LXVI. hæc sunt; ÆGYPTIO-
RUM REGNUM DESTRUCTUM. Septimum
ætatis annum agebat tum Alexander Magnus. Vir-
de quam parum secuta sint effugia tua.

EFFUGIUM XXXI.

Iterum dico non ex apographo, quo fuit usus
Scaliger, sed ex ipso Syncello nomina istæ Af-
syriaca promere debueras. Quam vero es festi-
vus, quum pleraque hæc nomina Græca esse vis!
Δερκύλῃ Græcum tibi est vocabulum, quia nempe
tali fere nomine fuit quidam qui Græce scripserit.
Hoc perinde est ac si dixisses, Berofus, Manethos
& Josephus Græca sunt vocabula, quia Græce scri-
pserunt. Quia *in* Græcum est ideo totum *Εὐπάριος*

Græcum est. πανυῶς Græcum, quia πανύας; Græcus fuit. λαμπρῶς Græcum, quia duo priores syllabæ Græcum efficiunt vocabulum. Quid demum Græcum non fiet hoc pacto? Et tamen, tanquam re bene gesta addis; *Tune an ego imperiti in lingua Græca simus, nunc ipse judica.* Imo vel tu ipse arbiter esto, & si hæc specimina tibi non sufficere videantur, unde iudicium feras, accipe etiam istæc. In præfatione ad Origines Gallicas Boxhornii, ut ostendas Εξαμπαῖσι sive ἁμαξάμπεισι apud Herodotum esse vocabulum Scythicum, hæc subdis; *Apud Euripidem in Oreste exstat λαμῆρη, quod Scholiastes ex Leophoro ὁδὸν δημοσίαν, id est, publicam viam explicat.* Prodigious error. Locus Euripidis quem citas exstat in Oreste versu 1253, τὴν δ' ἁμαξήρη τέλειεν. Annotavit ad hunc locum Scholiastes, καὶ τὴν λεωφόρον ὁδὸν, ἢ δημοσίαν. Tu bone vir, qui ne quidem Græce legere potes, putasti scriptum esse τὸν λεωφόρον; credidisti insuper Leophorum nomen esse scriptoris alicujus, istum vero scriptorem vocabulum ἁμαξήρη interpretatum esse *viam publicam*, & inde demum concludis vocabulum hoc factum esse ex Scythico Ἀμαξάμπεισι. Adeone quis in Græcis sit puer, ut nesciat ἁμαξήρης formari ab ἁμαξα, idemque esse, ac sit λεωφόρος? Etiam si aliquis evolverit
quid-

quidquid usquam est ineptiarum, haud tamen facile tam longam errorum seriem invenerit. Verum non hic desinis, sed audi versu sequenti quod subjungis. In Etymologico Magno Σηληνης inquis est χοιροβοσκήs. Putas nempe hoc vocabulum subulcum significare, allusione facta ad nescio quam Scythicam vocem. Falleris vir nimium bone, χοιροβοσκήs non hic subulcum aut porcum significat, sed est nomen celeberrimi Grammatici. In hoc ipso Etymologico utramque facit paginam nomen Georgij Chæroboſci. Quin etiam nonnulla hujus Chæroboſci scripta jam olim in lucem prodierunt. Ut itaque paulo ante è via publica formasti Leophorum scriptorem, sic hic nobilis olim Grammatici nomen in porcum & subulcum deformasti. Sed profecto nullus esset finis si vel unicam illam pagellam percurrerem. Ne itaque nimium tibi videar Orbilius, desinam. Pergamus ad sequentia.

Quum dicis Herodotum meminisse Ninyæ, falleris; Sardanapali meminit quidem, sed non addito tempore. Nihil itaque ex istoc Herodoti loco efficitur. Urges tamen locum Herodoti, cui soli nititur Armachani opinio. Diodorus recensens Herodoti opinionem quingentos hic tantum repræ-

repræsentat annos, non 520. Probo conjecturam eruditissimi viri Johannis Marshami, qui pro ⁴¹⁹⁸ ~~4198~~ sive ~~x~~ reponendum censet ~~x~~, ut jam secundum Herodotum non quingentis tantum & viginti, sed mille quingentis annis steterit Assyriorum imperium. Nec dubito quin etiam apud Diodorum millenarius exciderit. Aliter enim si esset, non absque reprehensione istum Herodoti locum esset prætervectus. Unde istud *paulatim* hauserim, non quæres, si Græce intelligeres, & Herodoti locum considerasses. Verba Dionysij Halicarnassensis non recte interpretaris. Dicit is in initio operis Assyriorum regnum adeo esse antiquum ut totum fere referatur ad id tempus, quod fabulosum à Græcis appellatur. Hinc tu sic argumentaris. Si regnum istud fabuloso fuit seculo, ergo fuit fabulosum. Hoc perinde est, ac si quis diceret, quia Græci fabulosum vocant, quicquid Olympiadas præcedit, ideo quæ de Moyse & Samfone dicuntur, meras esse fabellas.

EFFUGIUM XXXII.

Hic denuo nugarum spargis Oceanum. Ut ostendas Serum tempora non pertingere ad tria annorum millia ante natum Christum, tanquam

quam empusa mille induis formas, ut Sinicam evadas arithmeticam. Dicis Martinium aliter sensisse, ac scripserit. Mirus profecto es mortalis, qui quid sentiat Martinus melius noris, quam ipsemet noverit Martinus. Versatur jam nunc ejus Historia in omnium manibus, certam, constantem, & non interruptam quater mille sexcentorum annorum Historiam continens. Tandem aliquando si potes resipisce, aut si hoc non potes, desine saltem palam ineptire.

EFFUGIUM XXXIII.

NE monitus quidem à nugis tibi potes temperare. Denuo hic in scenam producis Confutium tanquam Scriptorum omnium antiquissimum, & à quo solo tota Historiæ Sinicæ veritas dependeat. Si pudor est, lege vel priores saltem Historiæ Sinicæ pagellas, & agnosce quam imprudenter hæc, vel à te, vel ab illis, quos secutus es, conficta fuere.

EFFUGIUM XXXIV.

UT yara vibiam, sic apud te ineptiæ sequuntur ineptias. Scythas Hippophagos à Seribus distinguit Ptolemæus. Errore hoc factum esse

contendis. Sic enim argumentaris, quia Scythæ & Seres identidem equina vescuntur, ergo Scythæ & Seres sunt iidem. An itaque Sarmatæ & Medii sunt Seres, nam & hi equina vescuntur apud eundem Ptolemæum? Quis nescit omnibus fere Scythis & Thracibus hoc commune fuisse? Profecto pudet talibus argumentis aliquid reponere.

EFFUGIUM XXXV.

NEcdum de Sinis tuis desinis nugari. Iterum Martinium vis docere, non tantum quid credere debuerit, sed etiam quid crediderit. Adeone infans ille fuit, ut quid senserit ignorarit? Tandem aliquando resipisce & noli Sinas & Martinium Chronologiam Sinensem docere.

EFFUGIUM XXXVI.

QUum aliud quod agas non habeas, nihilque quod alicujus momenti sit carpere possis, muscas demum venaris, & in libentarios valde es strenuus, quia eorum culpa anni familiæ Cheva & Hana, tribuuntur aliis duabus, Xanga nempe & Tanga. Sed siue huic siue alteri familiæ anni isti tribuantur, idem manet annorum numerus, nec propterea vel unius anni detrimentum patietur
Chro.

Chronologia Sinica. Potuiffes & aliud monere, quod tamen aliquanto majoris fuiffet momenti, peccatum effe etiam in illis numeris unde aliquid damni infligatur Historiæ Sinicæ, initium nempe temporis Historici juxta Martinium referendum eft ad annum 2837 ante Christum, non 2847. A Xinnungo enim initium repetit, quia de annis Fohii primi regis controversia eft apud Scriptores Sinicos.

Verum hæc aliaque id genus minuta, nè hillum quidem officiunt veritati Sericorum annalium. Adeo illi fibiconstant, adeoque certis & indubitatis nituntur argumentis, ut si horum fidem indubium vocare velimus, nihil demum fit futurum de quo dubitare non possumus. Vel illi soli fufficiunt ad evincendam calculi quem instituimus veritatem. Et tamen non defunt complures eruditissimi viri, qui etiam absque his, cæteris rationibus nostris libenter adquiescunt.

EFFUGIUM XXXVII.

NEcdum satis lotus tibi videris, vis denuo perlui. Postquam arbitros elegisti, quos tamen non tam benignos, ut puto, experiere, quam existimas, denuo doces urfos delectari lucis

confitis & specubus roscidis, idque mihi notum esse putas. Ego tamen hoc juxta cum ignarissimis nescio. Pauci ursi sylvas incolunt, si comparerentur cum iis qui in concretis & piscosis degunt æquoribus. Prædam illi sectantur & frigora, non lucos, aut rorem, aut amœnitates, quibus plane destituuntur loca polo vicina, ubi tamen præcipua est urforum patria.

Dicis te cœli orbes vocasse cataractas cœli. Potuisses simili jure camelum vocare cucurbitam. Orbes in cœlo nulli nisi sidera ipsa, & orbes quos motu suo describunt. Quæris quid ergo sunt cataractæ cœli in S. Scriptura? Vellem hic me expedire, modum tamen quem insistam non invenio. Cæco colores & surdis suavitatem musicæ velle explicare perquam est difficile. Si scires undenam ordinariæ profiscantur pluvix, jam quoque scires undenam illæ cecidissent aquæ, quibus diluvij tempore terra obruta fuit. Sive enim ordinariæ, sive præter ordinem naturæ condensetur illa aeris regio unde descendunt imbres, illi nihilominus indidem semper oriuntur.

De centro globi quæ dixisti, frustra dissimulas. Non es tam simplex, ut nescias, quid per collectanea intellexerim. Ecce ipsa tua verba; *Omne*
pun.

punctum in globo, ejus statui potest medium. Non loqueris hic de circulo in globo descripto, sed de globi ipsius centro. Ratio vero quam subdis valde est festiva, quia ab omni puncto circuli ad centrum lineæ sunt æquales. Quis non obstupescat tam vehementi ratiocinio, quia circuli centrum est in medio, ideo globi centrum est ubique?

EFFUGIUM XXXVIII.

Hic denuo Græce conaris. Dicis à Thucydidæ universum terrarum orbem *ἡπειρον* vocari. Misere falleris. Thucydides hoc loco manifeste insulas & *ἡπειρον* distinguit, & ne quidem designat quantam orbis partem continentem appellavit. Magis etiamnum es ridiculus cum apud Herodianum continentem terram pro insulis accipi scribis. Hoc ut efficias tale struis argumentum; Quia Europam & Asiam Pontus dirimit, ideo insulæ inter utramque continentem sitæ sunt continens. Quis non miretur tuum acumen? Bone vir, si putas te alios posse fallere tam inepto enthymemate, ac persuadere continentem ac insulas idem esse; turpiter te ipsum fallis. Quin etiam hoc tuum argumentum quam est ridiculum, quia Josephus dicit aquam quindecim cubitis supra terram exstis-

tisse, ergo universus terrarum orbis diluvio fuit submersus. Quis adeo in Græcis est puer, ut nesciat ~~et~~ æque palmum terræ, quam universam terram significare?

Cum meræ fuerint ineptiæ pleraque ea quæ contra Josephum hætenus adtulisti, non tamen desinis porro nugis tuis illum impetere. Quia vero admodum obtusa sunt tua tela, meliora à Bocharto arma mutuare conaris. Attamen ne sic quidem aliquid proficis. Esto enim ut in unius alteriusque vocabuli etymo Josephus errarit, quid demum inde concludes miselle? An ex eo quod Plato & Varro in etymis indagandis valde fuere infelices, efficere te posse speras, ut ille Græce, hic vero Latine nescirit? Noli itaque putare me furecum negas Josephum in Hebraicis fuisse versatum, quin potius amentiam tuam rideo.

EFFUGIUM POSTREMUM.

Quis non miretur ingenium tuum, cum me diluvium celeritate rangiferorum elusisse scribis? Proculdubio tibi commercium est cum rangiferis, neque enim aliunde id intelligere potuisses. An forsan è cella vinaria tam profundæ subtilitatis acumen hausisti? Illuc nempe divertere voluisti,